



Australian Government

## **Vistu agrikultura iha Austrália**

### **Informasaun ba traballadór sira husi Pasífiku no Timor-Leste iha Austrália**

Governu Austrália anunsia vistu agrikultura foun, ne'ebé bele fó ba nasaun oioin hodi ajuda falta traballadór ne'ebé kontinua iha Austrália. Vistu foun ne'e sei prienxe falta maundobra ne'ebé labele prienxe ho traballadór sira husi Pasífiku, Timor-Leste ka Austrália.

Vistu agrikultura ne'e sei suplementa *Pacific Labour Scheme* (PLS) no *Seasonal Worker Program* (SWP). Programa hirak-ne'e sei kontinua fó traballadór barak liu husi rai-li'ur ba Austrália nia indústriia agrikultura no indústriia sira seluk ne'ebé importante.

#### **Ha'u bele husu vistu agrikultura?**

Se Ita nu'udar traballadór husi Pasífiku ka Timor-Leste iha Austrália ne'ebé kaer hela vistu PLS ka SWP, Ita labele husu vistu agrikultura.

Vistu agrikultura sei dezenvolve daudaun. SWP no PLS sei kontinua ajuda empregadór sira iha Austrália ne'ebé presiza traballadór internasionál.

#### **Ha'u bele husu rezidénsia permanente bazeia ba ha'u-nia vistu SWP ka PLS?**

Agora daudaun laiha dalan hodi hetan rezidénsia permanente ka hela iha fatin rejionál bazeia ba Austrália nia programa traballu ne'ebé eziste ho Pasífiku no Timor-Leste.

Vistu agrikultura sei dezeña daudaun, no agora laiha opsaun hodi husu rezidénsia permanente ka hela iha fatin rejionál.

Iha momentu ne'e, laiha vantajen adisionál ba traballadór sira ne'ebé serbisu iha futuru ho vistu agrikultura, alende vantajen ne'ebé disponivel ba traballadór sira husi Pasífiku no Timor-Leste.

#### **Nasaun sira ne'ebé bele hetan asesu ba vistu agrikultura**

Primeiru, só nasaun balu de'it sei simu konvite hodi hola parte iha Austrália nia programa vistu agrikultura. Seidauk iha konfirmasaun kona-ba nasaun sira ne'ebé bele haruka ninia traballadór sira iha faze inisiál, no bele inklui nasaun sira seluk iha futuru.

Nasaun sira husi Pasífiku no Timor-Leste sei la hola parte iha programa vistu agrikultura. Traballadór sira husi nasaun hirak-ne'e bele husu nafatin vistu liuhosi SWP no PLS.

#### **Konsiderasaun seluk**

PLS no SWP nia padraun aas sei kontinua bazeia ba vistu agrikultura. Traballadór hotu-hotu sei iha direitu no protesaun hanesan de'it ho traballadór Austrália.



## Australian Government

Se ema ruma hakbesik Ita no haruka Ita sai husi Ita-nia serbisu no muda ba vistu agrikultura, favór telefone ba liña telefónica PLS/SWP iha 1800 51 51 31 ka email [support@pacificlabourfacility.com.au](mailto:support@pacificlabourfacility.com.au).